

生訟

無註

允

傳說王良駢御四龍周徑萬里無有

危凶

傳說王良皆星名

渙

仲伯季叔日暮寢醉醒失期明喪其

貝囊卧拜道傍

無註

中學

江有寶珠海多大魚亟行疾至可以

得財

無註

小過

遠視千里不見所持離婁之明無益

於耳

無註

既濟

弱足則跟不利出門市賈無盈折亡

為患

無註

未濟

利盡得煤時不我來鳴雌深涉寡宿

獨居

無註

易林卷第十五

易林卷第十六

巽上中孚

鳥鳥譖譖天火將下燔我屋室災及妃后

春秋魯襄公三十年五月鳥鳴于亳社如曰譖譖甲午宋大災宋伯姬卒

之乾

黃虹之野賢君所在管叔為相國無災咎

賢君謂齊桓公管叔即管仲相桓公霸諸侯以匡天下

坤

符左契右梁叔有若相與合齒乾坤利貞乳生六子長大成就拋吾如母易乾坤生六子乾父坤母三男震

屯 坎艮三女巽離兌

屯

蝗蝻我稻駟不可去實穗無有但見
空藁

無註

蒙

嬰孫求乳母歸其子黃麕悅喜

麕鹿子也

需

折若蔽目父旅相逐失旅亡民不見

衛國

目當作日楚詞折若木以拂日兮

若木木名在崑崙西極其華光照

下地

訟

牂羊肥首君子不飽年飢孔荒士民

危殆

無註

師

靈龜陸處磐桓失所伊子退耕桀亂
無輔

伊尹耕於有莘之野湯聘之進於
桀桀不能用復歸于湯

比

威約拘囚為人所誣臯陶評理幾得
免脫

書舜命臯陶曰汝作士士理官也

小畜

烏升鵲舉照臨東海厖降庭堅為陶
叔後封於英六福祿綏厚

高陽氏才子八人厖降庭堅其二
子也庭堅即臯陶字英六春秋時

二小國見春秋魯文公十八年

履

四目相視稍近同軌日昃之後見吾

伯姊

無註

泰

大步上車南到喜家送我狐裘與福
載來

無註

否

卒都和合未敢面見媒妁無良使我
不香

無註

同人

鴻飛循陸公出不復伯氏客宿
詩豳風九罭篇云鴻飛遵陸公歸

不復於汝信宿

大有

代戍失期患生無聊懼以發難為我
開基邦國憂愁

齊連稱管至父瓜戍弗代謀作亂

謙

齊魯爭言戰於龍門構怨結禍三世
不安

按春秋魯成公二年春齊侯伐我
北鄙圍龍頃公之嬖人盧蒲就魁
門焉龍人囚之齊侯親鼓三日取
龍

豫

周政養賤背生人是陸行不安國危
為患

未詳

隨

蝸蟾權翹草木嘉茂百菓蕃生日益
多有

蝸蟾蟬也詩如蝸如蟾

虫盤

薄災暴虐風吹雲卻欲上不得復歸
其它

無註

臨

乘駟駕驪遊至東齊遭遇行旅逆我
以資厚得利歸

無註

觀

鳳生七子同巢共乳歡悅相保

無註

噬嗑

桃雀竊脂巢於小枝搖動不安為風
所吹心寒漂搖常憂危殆

桃雀即桃虫詩曰肇允彼桃虫註
云鷦鷯也竊脂桑扈也

賁

東山西山各自止安雖相登均竟未
同堂

無註

剥

匍伏走出驚懼惶恐白虎生孫蓐收
在後

蓐收秋神禮記月令其帝少昊其
神蓐收

復

重或射隼不知所定質疑著龜明神
祭報告以肥牲宜利止居

著所以筮龜所以卜中庸曰見乎
著龜動乎四體禍福將至善必先
知之不善必先知之故至誠如神
無妄

開門內福喜至我側嘉門善祥為吾
室宅宮城洛邑以昭文德
書周公初基作新大邑于東國洛
又曰丕顯考文王克明德慎罰

大畜

鳥飛狐鳴國亂不寧下強上弱為陰
所刑

無註

頤

三雞啄粟八雛從食飢為卒擊手失亡
兩叔

無註

大過

歎息不悅憂從中出喪我金嬰無妄

失位

無註

坎

剛柔相呼三姓為家霜降既同惠我

以仁

無註

離

送我季女至于蕩道齊子旦夕久留

連處

季女齊子齊襄公妹魯桓公夫人

也桓公十八年公與夫人姜氏如

齊詩云魯道有蕩齊子庸止

咸

低頭竊視有所遇避行作不利酒酢

魚餒衆莫貪嗜

酢當作酸

恒

典策法書藏閣蘭臺雖遭亂漬獨不
逢災

漢官儀御史臺內掌蘭臺秘書

遁

旦醉病酒暮多瘵愈不反為咎

無註

大壯

畫龍頭頸文章未成甘言美語說辭

無名

無註

晉

日月運行一寒一暑榮寵赫赫不可
得保顛隕墜墮更為士伍

無註

明夷

爭利王市朝多君子蘇氏六國獲其榮寵

按史記蘇秦說六國以佩相印

家人

六蛇奔走俱入茂草驚於長途畏懼啄口

無註

睽

懸桓素飡食非其任失輿剥廬休坐徙居

桓當作桓詩伐檀篇云胡瞻爾庭有懸貍兮彼君子兮不素餐兮易剥卦上九君子得輿小人剥廬

蹇

歡欣九子俱見大喜携提福善王孫
是富

無註

解

伯夷叔齊貞廉之師以德防患憂禍
不存

武王伐紂伯夷叔齊叩馬而諫義
不食周粟隱於首陽山孔子曰伯
夷叔齊餓于首陽之下民到于今
稱之

損

雄聖伏名人匿驂驚走鳳飛北亂潰
未息

無註

益

久鰥無偶思配織女求其非望自令

寡處

無註

夫

破亡之國天所不福難以止息

無註

始

老慵多卻弊政為賊阿房驪山子嬰失國

史記秦始皇造作驪山復建阿房殘虐生民至子嬰而漢滅之

萃

三殺六牂相隨俱行迷入空澤遙涉虎廬為所傷賊死於牙腹

無註

升

聶聶處懼昧冥相搏多言少實語無

成事

無註

困

武陽漸離擊筑善歌慕丹之義為燕
助軻陰謀不遂霍自死亡功名賈施
史記燕太子丹質於秦亡歸遣荆
軻刺秦令勇士秦武陽為副至易
水上既祖取道高漸離擊筑荆軻
和而歌為變徵之聲入秦引匕首
以擲秦王不中秦王遂斬荆軻而
滅燕

井

尹氏伯竒父子分離無罪被辜長舌
為災

伯竒尹吉甫之子父娶後妻而譖
伯竒於吉甫父逐之言無罪而見

逐皆後母長古所為也

革

五精亂行政逆皇恩湯武赫怒共伐我域

成湯放桀武王伐紂一怒而安天下

鼎

西歷玉山東入玉門登上福堂飲萬歲漿

無註

震

行觸天忌與司命牾執囚東縛拘制於吏幽人有喜

無註

艮

機父不賢朝多讒臣君失其政保家

久貧

未詳

漸

三人俱行北求大牂長孟病足請季
負囊柳下之貞不失我糧

無註

歸妹

鵲思其雄欲隨鳳東順理羽翼出次
須日中留北色復歸其室

色當作邑

豐

嘗得自如不逢禍災

無註

旅

白鵠遊望君子以寧履德不愆福祿
來成

無註

巽

膚敏之德發憤晨食虜豹禽說為王
得福

史記韓信虜魏王豹又引兵擊趙
禽夏說

渙

生不逢時困且多憂年衰老極中心
悲愁

無註

節

出門蹉跌看道後旅買羊逸亡取物
逃走空手握拳坐恨相咎

無註

小過

牧羊稻田聞虎喧嘩畏懼悚息終無

禍患

無註

允

百足俱行相輔為強三聖翼事國富
民康

三聖堯舜禹也

既濟

龍潛鳳北其子變服陰孽萌作

無註

未濟

國無比鄰相與爭強紛紛匈匈天下
擾憂

無註

震艮下小過

初雖驚惶後反無憂受其福慶

無註

之乾

積德累仁靈祐順信福祉日增

無註

坤

謹慎重言不幸遭患周邵述職脫免

牢開

無註

屯

鳥飛鼓翼喜樂堯德虞夏美功要荒

賓服

堯唐帝虞夏舜禹有天下之號

蒙

牙孽生齒室堂啓戶幽人利貞鼓翼

起舞

按遜作牙孽生達義通

需

使伯東求拒不肯行與叔爭訟更相毀傷

無註

訟

手足易處頭尾顛倒公為雌嫗亂其

蚕織

無註

師

匠卿操斧豫章危殆袍衣脫剥祿命

訖已

豫章大木也

比

天女踞牀不成文章南箕無舌飯多

砂糖虛象盜名雌雄折頸

天女織女也牀未詳疑機字之誤

織女推機則不能成其文錦也箕

星名夏秋之間見於南方故云南
箕舌下二星也言南箕無舌則不
可以簸揚糠粃也糖當作糠

小畜

大椎破穀長古亂國牆茨之言三世
不安

詩牆有茨篇牆有茨不可埽也中
冓之言不可道也

履

銜命辱使不堪厥事中墜落去更爲
負載

無註

泰

三蛇共室同類相得甘露時降生我
百穀

甘露仁澤也聖德上及太清下及

萬靈則降

否

衣繡夜遊與君相逢除患解惑使我
不憂

項羽曰富貴不歸故鄉如衣繡夜
行

同人

被髮獸心難與為鄰來如風雲去如
絕絃為狼所殘

無註

大有

剛柔相呼二姓為家霜降既同惠我
以仁

無註

謙

牛耳聳聳不曉齊味委以鼎俎治亂

憤憤

賾五怪切憤古對切

豫

低頭竊視有所畏避行作不利酒酢
魚餒衆莫貪嗜

酢音醋

隨

兩師娶婦黃巖季子成禮既婚相呼
南上膏我下土年歲大有

博物志曰太公為灌壇令武王夢
婦人當道夜哭問之曰吾是東海
神女嫁於西海神童今為灌壇令
當道廢我行我行必有大風疾雨
武王覺召太公問之果有疾風暴
雨從太公邑外過

盞

戴盆望天不見星辰顧小失大遁逃

墻外

無註

臨

二人輦車徙去其家井沸釜鳴不可
以居

井沸釜鳴皆不祥之兆也

觀

攘臂反肘怒不可二恨戾腹心無以

為市

無註

噬嗑

湯世之憂轉解喜來

湯囚夏臺後放桀而有天下

賁

忠信輔成王政不傾公劉兆舉文武

綏之

言周召輔成王及公劉文武之德

化

剝

登高斬木頓躓蹈險車頓馬罷伯叔

吁嗟

無註

復

桑方落隕黃敗其葉失勢傾仄如無

所立

詩氓之篇桑之落兮其黃而隕此

言婦人為人所棄而自叙其事也

無妄

鸞鳳翱翔集於喜國念我伯姊與母

相得

無註

大畜

陰淫所居益溢過度傷害禾稼

無註

頤

霄冥高山道險峻難王孫罷極困於

阪間

無註

大過

和璧隨珠為人所燒冥昧失明奪精
無光弃其道傍

卞和得玉璞獻於楚懷王凡三獻
後果得美玉隋侯見蛇傷取藥封
之後蛇銜珠以報此言被火所燒
則不得為寶矣

坎

虞君好神惡我老親恭承宗廟雖愠

不去復我內事

虞書舜典命伯夷典三禮作秩宗
三禮祀天神享人鬼祭地祇之禮
秩宗次百神之官以宗廟為主也

离

爪牙之夫怨毒圻父轉憂與已傷不
及母

詩小雅祈父篇云祈父子王之爪

牙胡轉予于恤有母之尸饔

咸

倉盈庾億宜稼黍稷年歲有息

詩楚茨篇我倉既盈我庾維億

恒

憲牖戶房通利光明賢智輔聖仁德
大行家給人足海內殷昌

無註

遯

切切之患凶重憂存為虎所吞

無註

大壯

水無魚池陸為海涯君子失居小人

相携

無註

晉

九疑鬱林沮濕不中鸞鳳所惡君子

攸去

九疑山名虞舜葬處鬱林地名

明夷

六翻况飛走歸不及脫歸王室亡其

駢特

未詳

家人

不直莊公與我爭訟媒伯無禮自令
塞壅

未詳

睽

倉庾多億宋公危殆吳子巢門殞命
失所

倉庾多億按允之蠱作瘡痍多病
春秋魯僖公二十二年宋襄公及

楚人戰于泓傷股二十三年宋公
卒傷於泓故也襄公二十五年吳
子諸樊伐楚門于巢巢牛臣隱於
短墻以射之吳子卒

蹇

失羊捕牛無損無虞

無註

解

夏麥麩麩霜擊其芒疾君敗國使我
誅傷

麩音孚麩古猛切

損

昧昧闇闇不知白黑風雨亂擾光明
伏匿幽王失國

此言周幽王寵褒姒淫昏亂政被
犬戎所滅

益

執斧破薪使媒求婦和合二姓親迎
斯須色比毛媻姑翁悅喜

詩南山篇折薪如之何匪斧不克
取妻如之何匪媒不得毛媻西施

夫

六疾生狂妄癡走行北入患門與禍
為鄰

無註

始

駟羊就群很不肯前慶季悛諫子之
被患

春秋左傳魯襄公二十八年齊慶
封好田而嗜酒與慶舍政蓋慶季
即慶封子之即慶舍後為盧蒲癸
王何所刺

萃

二人異路東趨西步十里之外不相
知處

無註

升

義不勝情以欲自營觀利危躬折角
摧頸

無註

困

騷騷擾擾不安其類疾在頸項凶危
爲憂

無註

井

三河俱合水怒踴躍壞我王屋民困
於食

河東河南河內三河天下之中也

革

陽曜旱疾傷病稼穡農人無食

無註

鼎

流浮出食載券入屋釋鞍繫馬西南
廡下

無註

震

門戶之居可以止舍進仕不殆安樂
相保

無註

艮

過時不歸唯靡苦悲徘徊外國與母
分離
無註

漸

中田有廬墼場有爪獻進皇祖曾孫
壽考

詩小雅信南山篇曰中田有廬墼
場有爪又云獻之皇祖曾孫壽考

歸妹

失恃無友嘉福出走僕如喪狗
家語孔子去魯累累若喪家之狗

豐

反鼻岐頭三寡獨居

無註

旅

衣裳顛倒為王來呼成就東周封受

大福

齊詩云顛倒衣裳又云自公召之

巽

飛不遠去還歸故處興事多悔

無註

兌

舍血走禽不脫五音瓠巴鼓瑟不悅
於心

五音宮商角徵羽荀子云瓠巴鼓
瑟游魚出聽

渙

求玉獲石非心所欲祝願不得

無註

節

山崩谷絕大福盡歎涇渭失紀玉石
既已

涇渭二水名書火炎崑岡玉石俱
焚

中孚

雜目懼怒不安其居散渙府藏無有

利得

無註

既濟

衆邪充側鳳凰折翼微子復北去其
邦國

商紂無道微子抱祭器奔周

未濟

六月采芑征伐無道張仲方叔尅敵

飲酒

六月采芑皆詩名六月建未之月也時獫狁內侵宣王命尹吉甫帥師伐之有功而歸詩人作歌以叙其事司馬法冬夏不興師今六月而出師者以獫狁之故也采芑之詩言蠻荆背叛王命方叔南征軍行采芑而食故賦其事張仲吉甫之友是時燕飲張仲在焉

三三
上既濟

亥兔指掌與足相恃謹訊詰問誣情自直宛死誰告口為身禍

未詳

之乾

遊駒石門駮耳安全受福西鄰歸邑玉泉

無註

坤

陽春生草萬物盛興君子所居災禍不到

無註

屯

人無足法緩除才出雄走羊驚不失其家

無註

蒙

太上止犇變見太微陳吳廢忽作為禍患

按天文太微為五帝之庭明堂之房陳吳二國名

需

乘龍吐光使闇復明燎獵大得六師以昌

訟

按史記西伯出獵得呂望年八十
釣于渭水載之以歸尊為太公號
師尚父後封于齊

師

羊頭兔足羸瘦少肉漏囊貯粟利無
所得
無註

比

因禍受福喜盈其室螟蟲不作君無
可得
無註

舜升大禹石夷之野徵諸王闕拜治
水土

小畜

書帝曰咨禹汝平水土惟時懋哉

烏子鵲鷓常與母俱頽類群族不離其巢

無註

履

夷羿所射發輒有獲矰加鵲鷓雙鳥俱得

夷羿古之善射者

秦

晨風文翰大舉就温昧過我邑羿無所得

詩晨風篇駘彼晨風註云鷓也

否

六喜三福南至懼國與喜忻樂珪我潔德

無註

同人

鬪龍股折日遂不明自外為主弟伐其兄

無註

大有

蒙慶受福有所獲得不利出門

無註

謙

蠻戎夷狄太陰所積固冰沔寒君子

不存

沔當作沔

豫

畏昏潛處候時昭明卒遭白日為榮

祿主

無註

隨

水流趨下欲至東海求我所有買魴

與鯉

無註

蠶

冠帶南遊與福喜期徼於嘉國拜為

逢時

無註

臨

莎雞振羽為李門戶新沐彈冠仲父

悅喜

無註

觀

結衿流粥遭讒桎梏周邵述職身受

大福

無註

噬嗑

田鼠野雞意常欲逃拘制籠檻不得

動搖

無註

貴

居華顛觀浮雲風之搖雨不濡心平
安無咎憂

無註

剝

傾倚將顛不能得存英雄作業家困

無年

無註

復

心願所喜今乃逢時保我利福不離

兵革

無註

無妄

靈龜陸處盤桓失所阿衡退耕憂封

於國

阿衡伊尹耕於有莘之野

大畜

弱水之右有西王母生不知老與天
相保不利行旅

書弱水既西柳宗元曰西海之山
有王母神仙所居其下有水散渙
無力不能負芥

頤

抱瓊求金日暮坐吟終月卒歲竟無
成功

瓊姑回切石次王曰瓊

大過

言笑未畢憂來暴卒身加搯搯囚繫
縛束

無註

坎

望幸不到文章未成王子逐兔犬跡
不得

無註

離

震慄恐懼多所畏惡行道留難不可
以步

無註

咸

雄狐綏綏登山崔嵬昭告顯功大福
允興

詩南山崔嵬雄狐綏綏

恒

火起吾後喜炙倉廡龍銜水深巽注
屋柱雖憂無咎

無註

遯

危坐至暮請求不得膏澤不降政戾
民咸

無註

大壯

孟春和氣鷹隼搏執鳥眾雀憂憤

無註

晉

緩法長姦不肯理寃浮沉失節君受
其患

無註

明夷

魚鼈貪餌死於網釣受危國寵為身

殃咎

無註

家人

金精輝怒帶劍過午徘徊高庫宿於
山谷兩虎相拒弓矢滿野

無註

睽

四目相望稍近同光並坐鼓簧

無註

蹇

茹芝餌黃飲酒玉英與神流通長無

憂凶

無註

解

求璋嘉鄉惡蛇不行道出歧口還復

其牀

無註

損

天門地戶幽冥不覩不知所在

無註

益

跌足息肩有所忌難金城鐵郭以銅
為關藩屏自衛安止無患

無註

夫

三鴈俱飛欲歸稻池先涉萑澤為矢
所射傷我匈臆

無註

遘

濟流難渡濡我衣袴五子善擢脫無
他故

未詳

萃

飲酒醉酗跳起爭鬪伯傷叔僵東家
治喪

無註

升

跌躓未起後失利市蒙被殃咎

無註

困

辰次降婁建星中堅子無遠行外顛

霄陷遂命訖終

降婁星次名

井

商風召寇來呼外盜間謀內應與我
爭鬪殫已寶藏主人不勝

魯僖公三十二年冬祀子自鄭使
告于秦曰鄭人使我掌其北門之
管若潛師以來國可得也穆公不
聽蹇叔之諫從祀子之謀召孟明
西乞白乙襲鄭師敗于殽

華

甘露醴泉太平機關仁德感應歲樂
民安

甘露仁澤也聖德上及太清下及
萬靈則降醴泉水之精也聖德下
及太寧中及萬靈則出

鼎

祭仲子突要門逐急禍起子商弟伐
其兄鄭久不昌

祭仲鄭臣名子突鄭莊公次子急
當作忽莊公之世子莊公卒祭仲
立忽是為昭公及宋莊公誘祭仲
執之與盟遂立突是為厲公忽奔
衛事在春秋魯桓公十一年

震

反孽難步留不反舍露宿澤陂亡其

襦袴

無註

良

狼虎結謀相聚為保伺候牛羊病我

商人

無註

漸

明德剋敏重華貢舉放勳徵用八摺

蒙祐

書舜典曰若稽古帝舜重華協于
帝帝即堯也放勳者摠言堯之德
業也又曰徵庸三十言舜生三十
堯方召用後以天下禪焉八摺即
舜所舉高陽氏有才子八人謂之
八愷是也

歸妹

貧鬼守門日破我盆毀罍缶傷瓶空虛
無子

無註

豐

天命赤烏與兵徵期征伐無道箕子
遊遨

史記商紂無道九年武王東觀兵
于孟津有大自上復于下至於王
屋流為烏其色赤是時諸侯不期
而會者八百遂伐紂而有天下箕
子歸周封于朝鮮

旅

威約拘囚為人所誣臯陶平理剖械
出牢脫歸家閭

書舜典帝曰臯陶汝作士傳曰士
理官也

巽

羊驚虎狼聳耳群聚無益威強為齒
所傷

無註

兌

初雖號啼後必慶笑光明照耀百喜
如意

易同人九五先號咷而後笑

渙

馬服長股宜行善市蒙祐諧耦獲金
五倍

無註

節

應門內萌誅賢煞暴上下咸悖景公
失位長歸無恒望妻來

未詳

中孚

執斧破薪使媒求婦和合二姓親御
斯須色比毛嬙姑公悅喜

詩南山篇折薪如之何匪斧不克
取妻如之何匪媒不得毛嬙即西
施也

小過

兩輪日轉南上大阪四馬共轆無有

險難與禹笑言

無註

未濟

千柱百梁終不傾僵周宗寧康

史記文武兼制天下立七十一國
封兄弟之國十五人姬姓之國四
十人由是周室遂安

三三
坎下
離上
未濟

忠慢未習單酒糗脯數至神前欲求
所願反得大患

無註

之乾

旦生夕死名曰嬰鬼不可得視

無註

坤

大步上車南到喜家送我狐裘與福

喜來

無註

屯

西多小星參五在東早夜晨行勞苦
無功

詩召南小星云嘒彼小星三五在
東肅肅宵征夙夜在公此詩言夫
人無妬忌之行而賤妾安於其命

所謂上好仁而下必好義者也

蒙

北陸藏冰君子心悲困於粒食鬼驚我門

左傳日在北陸而藏冰

需

山水暴怒壞梁折柱稽難行旅留連愁苦

無註

訟

比目四翼來安吾國福喜上堂與我同牀

無註

師

狡兔趯趯良犬逐齧雄雌爰爰為鷹所獲

趨音狄 齶音責

比

增祿益福喜來入室解除憂惑

無註

小畜

騎龍乘風上見神公彭祖受刺王喬
贊通巫咸就位拜受無窮

彭祖古之有壽者王喬古仙人巫

咸商臣名

履

天火卒起燒我旁里延及吾家空盡

已財

無註

泰

金帛共寶宜與我市嫁娶有息利得
過倍

無註

否

鬼魅之居凶不可舍

無註

同人

鳥飛兔走各有畏惡鵬鷹為賊亂我

室舍

無註

大有

初雖驚惶後乃無傷受其福慶

無註

謙

兩金相擊勇氣均敵日月鬪戰不破

不缺

無註

豫

曳綸河海挂釣魴鯉王孫利得以饗
仲友

無註

隨

犬畏狼虎依人有輔三夫執戰伏不
敢起身安無咎

戰當作戟

蠱

蜘蛛作網以伺行旅青蠅吮聚以求
膏腴觸我羅絆為網所得

無註

臨

所望在外鼎金方來拭爵條壘炊食
待之不為李慶

條當作滌

觀

日月並居常暗匪明高山崩顛丘陵
為谿

無註

噬嗑

春服既成載華復生莖葉盛茂實穗
泥泥

無註

賁

莘首山頭仙道所由利以居止長無
咎憂

莘當作華泰華首陽皆山名

剝

三狐群哭自悲孤獨野無所遊死於
丘室

易田獲三狐狐妖獸也

復

火中暑退禾黍其食商人不至市空
無有

無註

無妄

獨立山顛求鹿耕田草木不避秋飢
無年

無註

大畜

火雖熾在吾後寇雖近在吾右身安
吉不危殆

無註

頤

齟齬齟齬貧鬼相責無有懽怡一日
九結

齟王篇無齟倪結切噬也與齧同

大過

追亡逐北呼還幼叔至山而得反歸其室

無註

坎

銜命辱使不堪厥事遂墮落去更爲

斯吏

無註

離

被珠函玉沐浴仁德應聘唐國四門

穆穆蠹賊不作凶惡伏匿

有虞之世誕敷文德唐堯國名書

曰賓于四門四門穆穆

咸

機關不便不能出言精成通道爲人

所寬

無註

恒

甕破盆缺南行亡夫

無註

遯

唇亡齒寒積日凌根朽不可用為身

哭患

無註

大壯

蒙惑憧憧不曉西東魁罡指南告我

室中利以宜止去國憂患

魁罡星名

晉

鳥鳴搏翼以避陰賊盜伺二女賴厥

生福旱災為疾君無黍稷

無註

明夷

名成德就項領不試景公耄老尼父
逝去

論語齊景公謂孔子曰吾老矣不
能用也孔子遂行

家人

言與心詭西行東坐鯀湮鴻水佞賊
為禍

史記堯時洪水為災舉鯀使之治

水鯀為人方命圯族舜殛之于羽
山

睽

獫狁非度治兵焦獲伐鎬及方與周
爭疆元戎其駕衰及夷王

詩六月篇獫狁匪茹整居焦獲侵
鎬及方註云厲王胡出于豳獫狁
內侵宣王立命尹吉甫帥師以伐

蹇

之遂平檢狃焦獲鎬方皆地名

三火起明雨滅其光高位疾顛驕恣
誅傷

無註

解

承川決水爲吾之崇使我心憤毋樹
麻桌居止凶咎

無註

損

厭浥晨夜道多湛露漑衣濡袴重難
以步

詩行露篇厭浥行露豈不夙夜謂
行多露

益

宜行賈市所求必倍載喜抱子與利

為友

無註

夫

陰變為陽女化為男治道得通君臣相承

無註

姤

樹蔽壯荆生醫山傍仇敵背憎孰肯

相迎

孰當作孰

萃

坐茵乘軒據德宰臣虞叔受命六合

和親

春秋武王克殷求泰伯仲雍之後得周章以為吳君別封其弟虞仲於周之北故夏墟為西吳後世謂

升

之虞公自虞仲至虞公凡十二世

雲興蔽日雨集草木茂年歲熟

無註

困

播梅折枝與母別離絕不相知

播當作蟠

井

天旱水涸枯槁無澤困於沙石未有

所獲

無註

革

珪璧琮璜執禮見王百里甯戚應聘

齊秦

百里奚事秦甯戚事齊

鼎

國家圖書館, NATIONAL CENTRAL LIBRARY, TAIWAN, R.O.C.

龍渴求飲黑雲景從河伯捧醴跪進
酒漿流潦滂滂

河伯水神也

震

電梅零蕪心積憤憤亂我靈氣

無註

良

鹿求其子虎廬之里唐伯季耳貪不

我許

未詳

漸

穿匏挹水篝鐵然火勞罷力竭飢渴

為禍

匏瓠也

歸妹

龍生馬淵壽考且神飛騰上天舍宿

軒轅常居樂安

無註

豐

崔嵬北嶽天神貴客溫仁正直主布
恩德冠衣不已蒙受大福

大梁析木其神主恒山星辰出焉

旅

鬼夜哭泣齊失其國為下所賊

春秋哀公十四年齊陳恒弑簡公
于舒州

巽

二政多門君失其權三家專制禍起
季孫

春秋魯自桓公之後君失其柄季
氏始專國政三家漸強四分公室
孟孫叔孫各有其一季孫有其二

焉

允

望幸不到文章未就王子逐兔大踣
不得

無註

渙

伯虎仲熊德義昭明使布五教陰陽
順叙

按史高辛氏之子有曰伯虎仲熊
為伯益之佐伯虎疑即仲虎也五
教者父子有親君臣有義夫婦有
別長幼有序朋友有信

節

兩足四翼飛入家國寧我伯叔與母
相得

無註

中孚

春秋禱祀解禍除憂君無咎憂

無註

小過

牧羊稻園聞虎喧囂懼畏悚息終無

禍患

無註

既濟

大蛇巨魚相搏於郊君臣隔塞郭公

出廬

郭當作戴春秋魯閔公二年狄人

伐衛衛立戴公出廬于曹

易林卷第十六終



臺灣國家圖書館 NATIONAL CENTRAL LIBRARY, TAIWAN, R.O.C.